

13. Hdyž z doswědčenjom tuteje služby Boha khwala dla poslušnosće wašeho wuznaća w ewangeliu Khrystusowym, a dla dobromyslnosće we wudželenju jim a wšitkim,

14. A tež w jich modlitwje za was, dokelž žadaju za wami dla přezměrneje hnady Božeje we was.

15. Džak (budž) Bohu za jeho njewuprajomny dar.\*

## STAW X.

Japoštoł počina rozestajeć swoju móc a za Khrystusa wustate prócy wopačnych wučerjow dla, kotřiž jeho potłóčujcy a jako začpějomeho wudawajcy plodej jeho přėdowanja zadžěwachu.

**J**a sam pak Pawoł napominam was přez ćichomyslnosć a dobrotnosć Khrystusowu, kiž drje sym před wočomaj mjez wami ponižny, njepřitomny pak khrobly přeciwo wam.\*

2. Prošu pak was, zo bych přitomny njebył khrobly z tej wutrobitosću, z kotrejž so khroblu, kaž praja, přeciwo někotrym, kotřiž mjenja, zo my po mjasu khodžimy.\*

3. Přetož w mjasu khodžicy, njewojujemy po mjasu.\*

4. Wšak brónje našeho wojowanja njejsu mjasne, ale mócně před Bohom k powróćenju wobhrodow, z kotrymiž powróćamy rady

5. A kóždu wyšinu, kotraž so zběha přeciwo wědomosći Božej,\* a jimamy kóždy rozom pod poslušnosć Khrystusowu,\*\*

6. A smy hotowi wjećić kóždu njeposlušnosć, hdyž budže dospolna waša poslušnosć.\*

7. Na to, štož je před wočomaj, hladajće.\* Ma-li što dowěru k sebi, zo je Khrystusowy, njech tež zaso při sebi mysli, zo kaž je wón Khrystusowy, tak (smy) tež my.\*\*

8. Přetož, budu-li so tež što wjaey khwalić z našej mocu, kotruž nam Knjez poda k natwarjenju a nic k wašemu zahubjenju, njebudu zahańbjeny.\*

9. Zo pak bych so njezdał, jako bych was cheyl nastrožić z listami, —

a tež přinošujće k rozmnoženju Božeje česće, dokelž mnozy Bohu džak praja a jeho khwala, zo mjez wami služba, t. j. jałmožna so tak dokonja, kaž sebi lubosć žada, a zo wy ewangelium Khrystusowe wuznawaće nic jeno ze rtom, ale tež z poslušnosću, jim a wšitkim z wěrnijej wutrobu sobudžělicy, štož móžeće; tež zo so za was modla a za wami žadaju, dokelž je hnada Boža we was tak mócnje skutkowała, a zo ze skutkami lubosće so wuznamjenjeće. — 15. Njewuprajomnje wulka je hnada Boža, zo je we was tak spomóžnje skutkowała.

X. 1. Dotal bě japoštoł k tym řečał, kotřiž běchu jemu swěrní wostali; nětko wobroći so k swojim přeciwnikam a zamołwja sebje a swoje skutkowanje přeciwo porokam. Najprjedy wotpokazuje porok, jako by k wočomaj ponižny, bojazny, w listach pak khrobly a zwažniwy sebi krute słowo dowěrił. Napomina swojich přeciwnikow, zo bychu so polěpšili, zo by wón po Khrystusowym přikładze dobroćiwy a ponižny přeciwo nim być móhl. — 2. t. r. napominam was, zo mje njebyšće ze swojimi wopačnosćemi k tomu nuzowali, zo bych dyrbjal přitomny wutrobitosć pokazować, kotruž mam, kaž so praji, jeno tehdy, hdyž sym zdaleny, t. r. zo bych dyrbjal khostać tych, kotřiž mi porokuja, jako bych po mjasu khodžil, t. r. zo so při swojich skutkach a słowach wot hrěšnych nakhilnosći a njeprawych wotpohladanjow wodžić dawam. — 3. t. r. hač runje sym hrěšny čłowjek, wojuju tola za prawdu a sprawnosć a nimam njeprawych, sebičnych wotpohladanjow. — 4. 5. Srědky, z kotrymiž wojuju, njejsu słabe z hrěšnych nakhilnosći pokhadžace, ale duchowne a tak mócně, zo wšě zadžěwki přewinu, kotrejž so rozšěrjenju ewangelia do puća stajeja, tež čłowjesku mudrosć a hordu wědomosć, kotraž wědomosći Božej přeciwoje so zwaži, Khrystusej podćisnu. \*\* t. r. zo wšitcy do Khrystusa a jeho wěrnosće wěrja, njedžiwajcy na spóznaća čłowjeskeho rozoma. — 6. t. r. z tymi samymi srědkami cheu tež khostać wšěch njeposlušnych, mjenujcy z cyrkwe wuzamknyć swojich přeciwnikow, ale najprjedy dyrbi waša poslušnosć hišće dospolniša być; přetož tajke khostanje ma so wot wosady sameje stać. — 7. t. r. kedžbujće jeno na to, štož na mni widžiće, a spóznajeće, zo z mócnymi srědkami wojuju. \*\* Přeciwnicy rozšěrjachu, zo su jeno woni prawi služownicy Khrystusowi, nic pak Pawoł. — 8. t. r. budu-li so hišće bóle khwalić — kaž so bórzy stanje — z mocu, kotruž sym wot Knjeza dóstał, z kotrejž mam wam k wužitku a nic k škodze być, dopokazam, zo moja khwalba njebudže hołe słowo, ale zo sym prawy a lubowany služownik Khrystusowy. — 9—11. t. r. bych móhl hišće to abo druge prajić ke khwalbje swojeje wot Khrystusa dóstateje mocy;